

Sut rydym yn taclo'r argyfwng hinsawdd



Yn ein strategaeth, Treftadaeth 2033, gwnaethom nodi fod ymwreiddio cynaladwyedd amgylcheddol yn ein buddsoddiad a'n gweithrediadau yn flaenoriaeth i'r sefydliad.

Byddwn yn gwneud hyn drwy:

- weithio ar y cyd a rhannu arfer gorau ar draws adferiad byd natur, cyfiawnder hinsawdd ac addasu i'r hinsawdd
- lleihau ein heffaith amgylcheddol a gweithio tuag at ddau uchelgais carbon sero net:
 - nod tymor canolig o garbon sero net cyn 2030 ar gyfer ein gweithrediadau, datgarboneiddio ein swyddfeydd, teithio, gwastraff a phwrcasiadau

- o nod hirdymor o gyrraedd sero net ar gyfer ein buddsoddiadau a'n grantiau (targedau'n seiliedig ar wyddoniaeth yn unol â Chytundeb Paris 2015)

Rydym yn adrodd ar ein heffaith amgylcheddol fel rhan o'n [Hadroddiad a Chyfrifon Blynyddol](#).

Gallwch ddysgu mwy am ein blaenoriaethau sefydliadol yn [ein cynllun cyflwyno \(2023–2026\)](#).

Newid sefydliadol

Rydym yn gweithio gyda'n partneriaid yn y sector i weithredu. Darllenwch ein [datganiad ar y cyd ar newid yn yr hinsawdd](#).

Er mwyn cyrraedd allyriadau carbon sero net o fewn ein gweithrediadau erbyn 2030, rhaid i ni fynd i'r afael â thri sector allyriadau allweddol:

- Mae **swyddfeydd** yn cyfrannu 11% o ôl troed y Gronfa Treftadaeth drwy'r defnydd o drydan a nwy. Ni ddisgwylir datgarboneiddio'r grid cenedlaethol yn llwyr tan ganol y 2030au, felly bydd angen cymryd camau i leihau'r allyriadau hyn cyn 2030.
- **Trafnidiaeth**, sy'n cynnwys teithio busnes a chymudo gweithwyr, yw 21% o'r allyriadau nwyon t? gwydr gwaelodlin. Mae'r mwyafrif o'r rhain yn gysylltiedig â chymudo gweithwyr, y mae gan y Gronfa Treftadaeth lai o ddylanwad drosto. Mae datgarboneiddio'r gweithgaredd hwn yn debygol o fod yn ddibynnol iawn ar gyhoedd y DU yn pontio i gerbydau trydan.
- **Caffael nwyddau a gwasanaethau** yw'r cyfraniad mwyaf arwyddocaol, sef 68% o gyfanswm allyriadau gwaelodlin y Gronfa Treftadaeth. Mae sefydliadau yn aml yn ddibynnol iawn ar newidiadau allanol o fewn eu cadwyn gyflenwi i ddatgarboneiddio'r allyriadau hyn.

Hyd yma rydym wedi:

- archwilio pob gofod swyddfa
- sefydlu adolygiad treigl o swyddfeydd yn unol ag adnewyddiadau prydles, i adolygu lleoliad, maint, ansawdd ac effaith pob swyddfa ar gynladwyedd
- symud i swyddfeydd newydd yn rhagweithiol mewn ymateb i'r archwiliad er mwyn arwain ar ddatgarboneiddio ein hystâd swyddfeydd
- gwella effeithlonrwydd ynni ein swyddfeydd a lleihau costau rhedeg drwy leihau'r defnydd o ddeunyddiau papur, offer, ynni a d?r, gan ostwng allyriadau CO2 a lleihau gwastraff
- cyfran uwch o ddyfeisiadau wedi'u hadnewyddu, gyda phwyslais ar ffonau symudol, gorsafoedd docio a monitorau
- gweithredu strategaeth cadw a dadlwytho data i atal ymlediad cwmwl yn unol â chanllawiau'r llywodraeth
- monitro allyriadau o storio yn y cwmwl yn weithredol i nodi meysydd i'w gwella
- gweithio gyda chyflenwyr presennol i ddatgarboneiddio'r gwasanaethau rydym yn eu caffael
- diweddarau arweiniad recriwtio i gynnwys ystyriaeth o'r effaith amgylcheddol wrth benderfynu ar leoliad rôl swydd
- ymgorffori sgiliau cynladwyedd amgylcheddol perthnasol yn y fframwaith sgiliau
- ymgorffori cynladwyedd yn y croeso i staff
- sicrhau bod ein gwefan yn cael ei phweru gan ynni gwyrdd, gydag adolygiadau rheolaidd i leihau defnydd ein tudalennau gwe o ynni

Rhoi grantiau a'r argyfwng hinsawdd

Rydym yn cefnogi prosiectau treftadaeth sy'n helpu'r DU i gyrraedd ei thargedau adferiad byd natur ac i liniaru effaith newid yn yr hinsawdd ar dreftadaeth drwy ein [hegwyddor fuddsoddi Diogelu'r Amgylchedd](#).

Erbyn 2033 byddwn wedi:

- Cychwyn adferiad tirweddau a chynefinoedd mewn mannau trefol a gwledig, fel eu bod yn cefnogi treftadaeth naturiol doreithiog a systemau naturiol iach
- Cynyddu dealltwriaeth a chysylltiad pobl â natur ar draws trefi, dinasoedd a chefn gwlad
- Isafu effaith amgylcheddol negyddol ac ôl-troed carbon ein portffolio ariannu
- Gwella galluoedd treftadaeth naturiol a diwylliannol wrth gynllunio ar gyfer hinsawdd sy'n newid ac addasu iddo, a helpu prosiectau i weithredu dros yr amgylchedd

Yr hyn yr ydym yn ei ddisgwyl gan y prosiectau a ariannwn

Darllen ein [canllaw arfer da ar gynladwyedd amgylcheddol](#).



rdeb hefyd mewn ...



[Project of the Year 2024](#)

Cynaliadwyedd amgylcheddol – canllaw arfer da